



An Bhruiséil, 7 Nollaig 2023
(OR. en, de)

**Comhad Idirinstitiúideach:
2023/0081(COD)**

**16056/23
ADD 4**

**COMPET 1183
IND 632
MI 1053
BETREG 38
DIGIT 284
ECOFIN 1293
EDUC 467
ENER 645
POLCOM 298
RECH 531
CODEC 2291**

NÓTA

ó: Coiste na mBuanionadaithe (Cuid 1)

chuig: An Chomhairle

Uimh. an doic. 15440/1/23 REV 1
roimhe seo:

Uimh. an doic. ón 7613/23 + 7613/23 ADD1
gCoim.:

Ábhar: Togra le haghaidh Rialachán maidir le creat beart a bhunú chun éiceachóras monaraíochta teicneolaíochta glan-nialasachta na hEorpa a neartú (An Gníomh um an Tionscal Glan-Nialasachta)
– *Cur chuige ginearálta*
– *Dearbhú ó Phoblacht Chónaidhme na Gearmáine*

Gheobhaidh na toscaireachtaí i gceangal leis seo dearbhú ó thoscaireacht Phoblacht Chónaidhme na Gearmáine maidir leis an ábhar thuasluaite, ag féachaint do chruinniú na Comhairle Iomaíochais an 7 Nollaig 2023, agus aistriúchán cúirtéise go Béarla ina dhiaidh.

Ráiteas ó Phoblacht Chónaidhme na Gearmáine

maidir le leis an Togra le haghaidh RIALACHÁN Ó PHARLAIMINT NA hEORPA AGUS

ÓN gCOMHAIRLE

lena mbunaítear creat beart chun

éiceachóras monaraíochta teicneolaíochta glan-nialasachta na hEorpa a neartú (an Gníomh um an Tionscal Glan-Nialasachta)

Léiríonn na dúshláin atá ann faoi láthair do thionscal an Aontais a thábhachtaí atá gníomhaíocht chomhpháirteach Eorpach chun iomaíochas ár dtionscal a neartú.

I bhfianaise an mhéid sin, tá sé ríthábhachtach go gcruthófar uirlis éifeachtúil éifeachtach leis an nGníomh um an Tionscal Glan-Nialasachta chun borradh a chur faoi theicneolaíochtaí claochlaithe san Aontas sa tréimhse reachtach Eorpach reatha. Tugann sé sin na comharthaí cearta chun infheistíocht a dhéanamh san aistriú glas, chun iomaíochas agus aeráidneodracht an Aontais Eorpaigh a neartú.

Dá bhrí sin, tá an Ghearmáin i bhfabhar an sainordú caibidlíochta le Parlaimint na hEorpa a eisiúint ar bhonn an téacs chomhréitigh reatha, agus tá sé léirithe aici go bhfuil sí ábalta agus toilteanach comhréiteach a dhéanamh ar go leor leibhéal.

Anuas ar na saincheisteanna substainteacha atá le plé inniu, feictear don Ghearmáin freisin go bhfuil gá le tuilleadh feabhais i gcomhthéacs na caibidlíochta a bheidh ann leis an bParlaimint:

- Agus teicneolaíochtaí glan-nialasacha straitéiseacha á sainiú againn [in Airteagal 3a agus 3b], tá sé ríthábhachtach dúinn go bhfreastalóidh na teicneolaíochtaí go díreach ar an aistriú glas. Ní mheasaimid go ndéanann na teicneolaíochtaí núicléacha a luaitear sa téacs é sin. Measann an Rialtas Cónaidhme go bhfuil sé ríthábhachtach sa chomhthéacs sin a shoiléiriú in Airteagal 3b(2) agus (3) nach ndéantar aon athrú ar scéimeanna cistiúcháin an Aontais atá ann cheana ná ar cheannasacht fuinnimh na mBallstát. Is díol sásaimh don Ghearmáin freisin go gcaomhnaítear leis an soiléiriú in Airteagal 10(5) ceannasacht fuinnimh na mBallstát freisin i gcomhthéacs na dtionscadal straitéiseach glan-nialasach.

- Dar leis an Rialtas Cónaidhme, ba cheart an méadú ar acmhainneachtaí táirgeachta na dteicneolaíochtaí dá dtagraítear sa Ghníomh um an Tionscal Glan-Nialasachta a bheith bunaithe ar phróiseas aeráidneodrach táirgthe le haghaidh táirgí réamhtheachtacha freisin. Dá bhrí sin, iarrann an Ghearmáin go n-áireofaí próisis thionsclaíocha chlaochlaitheacha i raon feidhme na dteicneolaíochtaí glan-nialasacha [in Airteagal 3(1), pointe (ae)]. Dar linne, tá an leathnú atá beartaithe ar an raon feidhme comhsheasmhach le hAirteagal 114 CFAE freisin.
- Ó thaobh an bheartais thionsclaíoch agus na slándála eacnamaíche de, go ginearálta, d'fhéadfadh cur i bhfeidhm critéar cáilíochtúil a bheith ina fhachtóir ríthábhachtach chun athléimneacht agus inbhuanaitheacht an gheilleagair a bhaint amach. Mar sin féin, ní mór dúinn a bheith an-chúramach chun a áirithiú nach ndéanfar leathnú an fhuinnimh in-athnuaite níos costasaí ná nach gcuirfear moill air, agus nach dtabharfar isteach aon ualaí maorlathacha.
- Dar leis an Rialtas Cónaidhme, tá an tairseach le haghaidh na ndifríochtaí i gcostais [in Airteagal 19(6)], a d'fhéadfadh údarais chonarhacha agus eintitis chonarhacha a mheas a bheith díréireach, fós ró-ard. Iarrann an Ghearmáin go ndéanfaí iad sin a laghdú go suntasach.
In Airteagal 20, b'fhearr linn go mór dá mbeadh cur chuige deonach ann. Thairis sin, is tosca ríthábhachtacha iad na luachanna is ísle is féidir le haghaidh tairsí na ndifríochtaí costais [in Airteagal 20(3)] agus le haghaidh na méideanna ceantála [in Airteagal 20(4)], don chinnteoireacht sa chaibidlíocht atá ar siúl faoi láthair. Táimid i gcoinne aon mhéadú breise ar luachanna an chur chuige ghinearálta.
- Dar leis an Rialtas Cónaidhme, tá gá freisin le hathruithe i gCaibidil V, Feabhas a chur ar scileanna le haghaidh poist ardcháilíochta a chruthú: Níor cheart tuilleadh maorlathais a bheith mar thoradh ar athbhreithniú teibí na gclár foghlama [atá in Airteagal 24]. Ní mór a áirithiú go leanfar d'aitheantas a thabhairt ar bhonn cás ar chás. Tá dearcadh cáinteach ag an Rialtas Cónaidhme freisin maidir le próifílí gairmeacha Eorpacha a fhorbairt [faoi Airteagal 25(5)], ag tagairt do na teorainneacha a leagtar síos in Airteagail 166 agus 165 CFAE.

- Dar leis an Rialtas Cónaidhme, tá raon feidhme na n-oibleagáidí tuairiscithe [faoi Airteagal 31] ró-ard i gcónaí, rud a fhágann go bhfuil maorlathas breise ann agus, ar an gcaoi sin, go mbaintear an bonn den luathú atá le baint amach leis an Rialachán. Dá bhrí sin, coinníonn an Rialtas Cónaidhme a sheasamh nár cheart ualach breise a bheith ar na Ballstáit ná ar an bpobal gnó mar thoradh ar na ceanglais tuairiscithe.

I bhfianaise na caibidlíochta atá ar na bacáin le Parlaimint na hEorpa, tá súil againn go mbreithneofar na gnéithe sin go cúramach agus go gcuirfear san áireamh iad sa chaibidlíocht sin.
